



宋范石湖先生古吳志
利



吳郡志卷第二十六



吳郡 范成大撰

人物

范仲淹字希文事具歐陽文忠公所撰神道碑及國史傳其略云皇祐四年五月甲子資政殿學士尚書戶部侍郎汝南文正公薨於徐州五代之際世家蘇州生二歲而孤母再適長山朱氏仍其姓始名說既長知其世家感泣去之南都入學五年大通六經為文章論

說必本仁義舉進士禮部選第一中乙科始歸迎其母以養少有大節其於富貴貧賤毀譽權戚不一動其心而慨然有志於天下常自誦曰士當先天下之憂而憂後天下之樂而樂也其事上遇人一以自信不擇利害爲趨捨天聖中爲祕閣校理以言事忤章獻太后旨通判河中府召拜右司諫上疏請還政天子及郭皇后廢率諫官御史伏閣諫又揖宰相留百官廷爭不能得貶知睦州徙蘇州

州地瀕雷澤田多水募游手疏五河導積水入海興作未就徙明州轉運使言仲淹治水有緒願留以畢其役詔復知蘇州召還拜天章閣待制益論時政闕失知開封府治有聲取古今治亂安危爲上開說又爲百官圖以獻宰相呂夷簡怒交論上前落職知饒州徙潤越州趙元昊反河西爲陝西經略安撫副使又爲環慶路經略安撫招討使兵馬都部署爲將務持重不急近功小利待將吏必使

畏法而愛已所得賜賚皆以上意分賜諸將
諸蕃質子縱其出入無一人逝者蕃酋來見
召之臥內屏人徹衛與語不疑居二歲士勇
邊實恩信大洽乃決策謀取橫山復靈武而
元昊數遣使稱臣請和上亦召之歸慶曆三
年爲樞密副使數月爲參知政事每進見必
以太平責之再賜手詔趣使條天下事又開
天章閣召見賜坐授以紙筆使疏于前退而
條列時所宜先者十數事上之僥倖之人皆

不便因相與騰口而嫉之者亦幸外有言喜
爲之佐佑會邊奏有警卽請行乃以爲河東
陝西宣撫使卽拜資政殿學士知邠州兼陝
西四路安撫使其知政事纔一歲而罷有司
悉奏罷前所施行而復其故言者遂以危事
中之賴上察其忠不聽是時夏人已稱臣因
以疾請鄧州守鄧三歲求知杭州又徙青州
公益病又求知潁州肩昇至徐遂不起年六
十有四贈兵部尚書諡文正御篆其碑曰褒

賢之碑爲人外和內剛樂善汎愛喪其母時
尚貧終身非賓客食不重肉臨財好施意豁
如也及退而視其私妻子僅給衣食其爲政
所至民多立祠畫像其行已臨事自山林處
士里閭田里之人外至夷狄莫不知其名字
而樂道其事焉長子純佑少有大志蚤卒純
仁純禮純粹皆名世閩灝撰文正公真贊云
義道德溢於顏閭大忠臯夔元功方召以贊
中樞以尊清廟佑我仁祖格下皇天是肅是
虔不傾不騫維慶有祠邦民
瞻思慶山可夷茲堂巍巍

范純仁字堯夫仲淹子第皇祐元年進士父薨
始出仕治平中爲侍御史議濮王典禮不當
命出房闈通判安州由是名震天下後知諫
院言王安石驟更法度恐失人心作尚書解
以進前後上言以休兵省事節用富民進君
子退小人愛人材伸公論爲急崇聚斂事苛
刻親讒佞任偏聽爲戒大則廷論小則疏述
反復激切無所諱避復出補外元豐八年召
爲給事中明年同知樞密院事陳禦備西戎

之策事俱施行元祐三年拜尚書右僕射自
爲執政務以博大開上意忠篤革士風救蘇
軾韓維王覲等極言前世朋黨之禍吳處厚
箋蔡確詩以聞朝廷欲貶之死地純仁獨曰
此路自丁晉公後荆棘已七八十年不可自
吾輩開之奏乞薄確罪亦出知潁昌府踰年
復相於事無所回隱同列病之 哲宗於大
臣中獨注意純仁問人材法度悉實以對章
子厚用事復出知潁昌累貶永州 徽宗卽

政卽日走中貴人湖南致上及皇太后命勞
賜甚寵所啓皆國家大體蓋將屬以重任以
中太乙宮使召以日疾辭上每對輔臣以不
見純仁爲恨年七十五薨賜世濟忠直四字
爲墓隧碑首諡曰忠宣純仁性夷易寬簡嘗
曰吾平生好學得之忠恕二字歷事四世無
間言自爲布衣至宰相廉儉如一

范純禮字彝叟仲淹子元祐中爲給事中凡所
封駁正名分立紀綱皆國體之大者論張耒

不當不候參告令供職一時聳動知開封府一切以寬革前政刻深之弊中丞蘇轍攻右丞王存去將用轍代存純禮曰蘇章不避嫌此必不放過數日徒純禮刑部侍郎轍方拜元符三年拜右丞以年老力辭上謂安燾曰范純禮作執政不應引年況精力康強卿等以國家圖任老成之意勉之救陳次升以言得罪乞以嘉言用江公望留王覲解上官均鄒浩之言爲理當從之乞罷京城猪羊圈解

山陵盟器之煩費曾布榻前云人皆言財用不足天下何憂無錢純禮進曰天下告窘戶部無料錢支藏庫空竭無如今日布誑陛下建中靖國元年知潁昌府尋除端明殿學士崇寧初累責單州年七十六純禮居二府布衾純袍不爲表襮沽名譽食飲不擇其鮮不役婢妾中年卽清居端坐全真容物不爭而立朝端方乃不可犯人以劉寬卓茂方之范純粹字德孺文正公第五子元豐中歷鄜延

陝西轉運判官鄜延都總管環慶經略安撫使改鄜延又改熙河蘭岷路元符中改河東復移鄜延兼知慶州延安太原府戶部侍郎知河南府神宗謂純粹遇事不苟存心公家旁無顧慮任陝西轉運時當五路大舉財用匱乏吳居厚爲京都轉運使上羨餘三百萬緡上遂以賜純粹純粹愀然曰吾部雖窘豈忍取此膏血力辭弗納紹聖元年言者論弃四寨之地實啓戎心司馬光文彥博等主

之於內純粹等行之於外後遂入黨籍最後貶鄂州久之敘官復徽猷閣待制政和七年卒年七十二

范正平字子夷忠宣公次子紹聖初爲開封尉戶部尚書蔡京結后戚向氏欲展向氏墳正平爭以爲民田不可奪京坐贖銅由此恨之忠宣薨小人附會言正平兄弟撰造永州傳宣聖語及行狀非忠宣意行狀實李之儀受忠宣之意次第之正平遂與之儀俱下御史

獄事解猶謫龔州歸終身不仕初忠宣薨特
添恩澤分官中外諸孫久之追奪例外官正
平遽納其子官全其姪與甥焉方遺表獄作
弟正思曰兄是時方當窀穸某實預議正平
獨身當之其後徐丞相處仁問正平之爲人
於王寔仲弓仲弓作卓行對一篇大略謂正
平力學爲文通古今論議出人意料爲宰相
子有聲譽不朋比爲進取資不可以勢屈不
可以利回質之神明而不疑行之屋漏而無

愧云

范琪字希世文正公之從兄天聖五年進士歷
開封府法曹知鄆縣葺堰埭百餘決導潴積
徙常熟濬金涇鶴瀆二浦溉田千頃爲公家
利其在天府議法必精握節不撓府尹胥安
道給事中孫夢得交薦之子師道有賢名蔣
堂敘范氏上世謂琪之高祖隋自唐末作麗
水丞屬亂離遂家於蘇曾祖鈞祖從誼竝在
錢忠懿王幙下父昌言歸本朝贈國子博士

皆葬吳縣三讓鄉之天平山云

范師道字貫之天聖九年進士累知廣德縣縣淫祀歲殺牛以祀神一切禁絕之擢侍御史數以論事忤宰相劉沆出知常州復召爲起居舍人同知諫院會百官上尊號乃言災異數出而崇尚虛文非所以答天戒又言宮人多遷除恐女寵因緣以害政事上皆嘉納之又言陳升之不當進用出知福州復入爲三司鹽鐵副使終直龍圖閣知明州有奏議二

十卷文集五十卷子世京世亮皆登科
范世京字延祖皇祐五年進士歷和州歷陽令
適師道守明州世京棄官侍養曰人子事親
之曰少事君之曰多寧可曠時失定省父喪
扶護歸鄉垢面跣足晝夜哀號行路爲隕涕
服除熙寧初官湖北廣南名至京師與時論
不合辭歸終祕書丞

范攄唐末吳處士有子七歲能吟詩贈隱者云
掃葉隨風便澆花趁日陰處士方干聞之曰

此兒他日必垂名又吟夏日詩云閒雲生不
雨病葉落非秋千曰惜哉必不享壽果十歲

而卒

延賓佳話
唐宋遺史

范周字無外文正公姪孫贊善純古之子負才
不羈工詩詞無意榮達安貧自樂未嘗屈折
於人所居號范家園所賦詩甚多時出傑句
如詠懷云一瓢有道泰山重五鼎不義鴻毛
輕其氣槩肆兀類如此

林處字德祖旦之子好古嗜學擢第累遷朝奉

郎太學錄開封府司錄以府尹不之禮移疾
告歸不復出仕所居在大雲坊因自號大雲
翁屏置朝章不入州縣先達稱其高有大雲
集百卷 神宗聖訓十卷

朱長文字伯原光祿卿公綽之子公綽居鳳凰
鄉集祥里園亭甚古長文擢弟號其居曰樂
圃時俊咸師仰之號樂圃先生米芾撰墓表
略云十九歲登乙科病足不肯從吏築室樂
圃有山林趣著書閱古樂堯舜道郡守監司

莫不造請謀政所急士大夫過者必奔走樂
圃以不見爲恥公卿薦以自代者甚衆天子
賢之起爲本郡教授又召爲太學博士祕書
省正字元符元年卒鄉人立祠於郡庠家徒
藏書萬卷天子知其清特賜其家絹百匹

崇大年字靜之慶曆中擢進士第歷知青田縣
民貧無以納和買大年悉令候冬熟州符督
責追杖縣吏大年曰年凶民飢若催督必破
產雖杖胥吏三五輩尚可寬一邑之民至冬

民無不納足者徙知浦城縣舊設兩棧民以
事追去無輕重悉置棧中大年曰此以牛馬
吾民悉命撤去有疾丐分司歸吳日與程光
祿諸公觴詠燕遊號吳門十老大年德守淳
固志尚夷曠恬於執利不求聞達辭郤薦辟
浩然易退吳士自陳君子之奇之後大年繼
有賢稱分司後十三年致仕又十四年卒年
八十二樂圃先生朱長文與鄉人議諡謂黔
婁辭國有餘貴辭粟有餘富其諡曰康陶淵

明隱約就閒其諡曰靖節大年當有道之世
秉難進之節韜章蘊能不自表襮仕而知止
貧而忘憂凜然有古高士之風乃共諡曰康

靖先生

林希逸史朱
長文行狀

富嚴大中祥符四年進士以刑部郎中守鄉郡
嘉祐中守祕書監致仕未嘗一造官府以耆
德稱所居坊人以德壽目之富氏本出處之
青田文忠公弼於嚴爲叔父嚴之祖始居吳
葬焉遂爲吳人子臨亦有文名曾孫鈞洵元

衡皆登科

郭附字明仲嘉祐八年進士知洪州新建縣俗
健訟好持吏短長附至問民疾苦皆以鷙獸
暴橫爲言乃檄旁縣尉併力仍以厚賞啖壯
士不閱月得鷙獸數十尸諸庭乃號於衆曰
有悍不率教如此獸者皆殺之無一人敢犯
令以朝奉大夫致仕幅巾策杖窮山林詩酒
之適十八年東南高士皆願從遊卒年八十

四

胡稷言字正思則之姪學古文宋景文公以特
奏補官爲山陰丞致仕築圃鑿池追陶靖節
之風種五柳以名堂清修寡欲延納後進日
晡後不飲食客坐蕭然具湯一杯而已年八
十餘子嶧

胡嶧字仲連居五柳松窻蓬戶人以爲隱君子
步趨言動皆有尺度賓嘉喪祭率遵古法用
杜甫詩名所居曰如村自號如村老人累舉
命官終不仕卒年七十九詩文簡古如其爲

人子百能

胡百能字少明紹興十八年進士知江山縣有
惠愛乾道初選教諸王宮嚮進用矣以年至
力請老朝廷嘉之乃以左奉議郎賜緋衣銀
章魚致其事歸築堂曰宜休相羊里巷錙銖軒
冕殆其天性久之乃卒年七十四子耕

郭元邁字英遠附之孫博通經史入太學魁上
舍靖康之難募使北虜通問徽欽二聖元邁
上表請行詔以爲副使行次河朔以尺紙付

家云出疆當艱棘時難保全生此身已許國矣至虜廷上書虜帥粘罕乞歸二聖爲虜所留尚書洪皓自虜北歸首言王倫及元邁以身徇國弃之不取緩急何以使人

章甫字端叔自建徙居於吳其八世祖本浦城人有西村珠林二族西村之裔多顯仕珠林至甫曾祖可法始登科甫熙寧三年進士知壽春縣大臣以孟子解義進詔付祕書省除太府寺丞召對稱旨除府界提舉常平事

崇寧初除都官郎中陞對抗言元祐臣僚削秩投荒皆緣國事非爲身謀稍稍內徙道路交慶今復刻名黨籍禁錮子孫恐非陛下本意上優容之尋掛冠歸吳藏書萬卷讐校精密卒年六十二八子憲其一也

章憲字叔度居黃村樂道好德操履高潔行有餘力而以學文鄉里謂之隱君子其學師事王信伯而與朱子發呂居仁等游尤邃於春秋有復軒集十卷曾文清公幾爲之序

郊亶字正夫崑山太倉農家子自幼知讀書識
度不碌碌嘉祐二年進士崑山自國朝來登
科者自亶始嘗條吳中水利爲書上之熙寧
間以亶爲司農寺丞奉使浙西措置水利民
不以爲便遂罷詳見水利門終比部郎中子僑子
高亦有才鄉里推重謂之郊長官有幼成警
悟集行于世

李璋居盤門有不羈之才王荆公甚愛之嘗有
詩送璋應舉云湖海青衣二十年尚鄉試

已華顛又送其下第云學如吾子何憂失命
屬天公不可猜璋後改名玖以累舉補官孫
益亦登科紹興間任監察御史

馬友直字伯忠其先本姓司馬氏有名球者仕
吳越以御史中丞爲崑山鎮遏使因家焉子
孫樂道不仕隨乎流俗故止稱馬氏聚族居
于邑之全吳鄉六直里以孝義著兄弟六人
皆力穡獨友直以儒業自奮入京師太學元
符二年薦春官與李豸方叔游知友直賢以

其兄之子妻之迨宣和水菑全吳之田悉與
江通兄弟皆狼狽營妻子友直獨迎其親徒
于邑之進賢里僦屋以居躬養菽水母子晏
如也建炎二年以累舉得官初主湖之武康
簿次監潭州南嶽廟尚強健卽挂冠以宣教
郎卒年七十六侍郎唐公輝御史王公葆及
我先君少師皆敬愛之孫先覺登紹興庚辰
進士科

閩丘孝終字公顯郡人嘗守黃州蘇文忠公在

東坡時與交從甚密公後經從必訪孝終賦
詩爲樂孝終旣挂冠與諸名人耆艾爲九老
會

王蘋字信伯事伊川先生視河南高第楊時猶
爲後進時亦以爲後來師門成就者惟蘋
高宗駐驛平江郡守孫佑薦其學行召見上
以爲通儒賜進士出身除祕書省正字受詔
條具賊退利害蘋奏治本三說一曰正心誠
意二曰辨君子小人三曰消朋黨遷著作佐

郎通判常州蘋識慮精微議論平易頽然若
與世忘不著書既老乃集古今語說爲一書
未成而卒

黃策字子虛彥之子登科爲雍丘主簿元符末
詔許中外言事時 昭慈聖獻皇后既復位
號典冊有未盡正者策引古義上書言甚切
後以此入黨籍羈管登州會赦還鄉後除直
祕閣自號隨緣居士

吳郡志卷第二十六

終夙嗣後多中警詔也
蓋刊于虞山似古關

吳郡志卷第二十七

吳郡 范成大撰

人物

顏孚字端中長民幼子崇寧間有聲太學士行
甚美每試必居前列時人目爲顏夫子爭願
識其面與兄采相繼高科孚擢第未幾蚤卒
鄭景平字希尹居帶城橋剛正不撓所泣官有
廉介稱嘗爲大理官每有疑獄中夜拜禱斷
得其情請老家居朝廷以其能詔復起知饒

州數月復拂衣歸或問故答曰天子命景平
爲郡守當以撫字爲職乃不得行志今日須
金若干明日須粟若干民已枯骨矣捶考不
出吾安得不歸時朱勔用事撓權從之者甚
衆獨景平終始不見子細字天和亦能文屢
爲郡

徐爽字武卿建州建安人大中祥符五年進士
第一釋褐爲將作監丞通判蘇州又爲兩浙
轉運副使其在蘇水潦爲沴具區東南毀隄

防溺廬舍漂田疇不可勝計爽爲周視盡得
舊迹請于朝市涇以北赤門之南築土石隄
九十里起橋梁十有八計七十萬舟徒無
墊溺之憂隄上下復良田數千頃蘇人德之
入爲翰林學士權知開封府卒故其家後居
于蘇子師閔年六十餘以左中散大夫普寧
郡侯致仕居蘇爲蔣堂蔡襄所知在官自輔
臣以下薦之者幾百人及退歸與元絳程師
孟諸人以詩酒相過號十老鄉人榮之年八

十乃卒葬燕山

徐師回字望聖師回嘗守南康蘇文定公轍爲作直節堂記黃庭堅明月泉銘誰賞音徐望聖一時名重如此子閔中爲吏有能名爲吏部郎子林兢

徐林字稚山宣和三年進士少有特操從母之夫王黼柄國用事獨不肯附麗寧坎墮卑官紹興初上書言事召對改官累遷太府少卿出爲江西轉運副使劾秦丞相檜親黨坐是

以沮經界法貶興化軍十三年更化復入爲刑部戶部侍郎論國用大廣宜搏節之隆興初爲吏部侍郎復論符離之役爲非計遂以敷文閣直學士奉祠知平江府力辭旋乞致仕再以給事中召再召不起遷龍圖閣學士卒年八十餘葬靈巖山之西世稱賢侍從以林爲首少居吳縣硯石山下自號硯山居士弟兢字明叔官刑部郎中善篆書次弟德止遜官於從子而學佛徽宗賜號圓通禪師

子歲亦登科有學行嘗爲浙東提舉常平
魏憲字令則紹興四年進士累遷國子司業親
喪三年弗嗜酒肉廬於冢次塋域有芝草甘
露之祥再爲司業以學行見推徧歷中外師
儒之選兼太子舍人遷中書舍人給事
中吏部侍郎歸鄉名所居曰止菴優游求志十餘
年終時無疾危坐禪榻取水盥手泊然而逝
年七十三

潘允字說之吳人崇寧三年進士累官至中書
舍人左諫議大夫刑禮吏部侍郎終徽猷閣
待制路允迪爲之銘略曰言語文章一本六
經之醇修身則毅然有守終無玷缺云

凌哲字明甫吳人宣和六年進士自明州通判
召對高宗擢爲御史數日遷右正言又遷
左司監吏部侍郎兼侍講以敷文閣待制知
台州遂退歸里居澹約自守鄉里稱其德量
挂冠十餘年卒年八十六

王葆字彥光崑山人逸野堂僖之姪宣和八年

進士崑山自邾亶登科有孫載載後六十年
葆始繼之邑人以為奇事葆學行俱高潛心
古道著春秋集傳十五卷春秋備論二卷誘
掖後進推誠樂育如親子弟門下士多成立
者號稱鄉先生初主麗水簿上疏陳十弊事
皆人所難言紹興間歷司封郎官監察御史
崇政殿說書終浙東提刑王公於人物鑒裁
尤精樂巷李侍御史衡布衣流落一見以女
弟妻之左丞相周益公必大初第以女妻之
幾亦忝科第

知其為國器也成大以蚤孤廢業一日呼前
喻勉切至加以詰責留之席下程課甚嚴未
邊知白字公式曾祖珣自陳留官姑蘇樂其風
土遂世為吳人知白宣和六年進士孝友醇
誠蹈繩墨規矩清虛寡欲號為吉人而學佛
尤盡誠紹興中歷戶部郎官將作監戶部吏
部侍郎直學士院歸鄉築室郡南金獅巷為
終焉計卒年六十五贈徽猷閣待制少遊廬

山夢人告曰君本江南僧終當尋盟去
龔明之字希仲宗元之曾孫祖母李及笄時得
寒疾夢神告曰與汝七十大觀中行年適
滿夢數病革自意必死明之夜禱於天願減
已算五年以益祖母壽炷香於頂上須臾腦
中爆裂有聲不爲動控懇益切翌日李病已
至八十三乃終明之蹭蹬舉場以特恩廷試
年已八十二法不應出官吳士在朝者列其
行義薦之得監南嶽廟淳熙五年乞致仕鄉

人又請之朝遷宣教郎致仕賜五品服居崑
山黃姑別墅作期頤堂日飲其間一日感微
疾精神蕭爽親友問疾者歌以答之遺令毋
設仙釋像於柩前供一水一花誦論語孝經
足矣年九十二

朱良字良伯吳郡人其先累以進士登第祖公
綽光祿卿父季端爲郎屢典名郡建炎中良
仕秀州海鹽縣尉金人犯順車駕南幸游
騎及縣境良謂僚友曰今日乃忠臣義士死

國難之時也乃被甲執戈集所部百餘輩奮厲而前遇金人於境身先赴敵出入行陣斃數虜酋賊衆爲之披靡衆寡莫當竟以死敵其子思蒙恩錄用今以朝議大夫守漢陽軍胡元質字長文長洲人父珣治生大穰所親爲之宰負金萬數珣焚其書待之如常元質少穎悟年未冠游太學紹興十八年進士高第亦有隱行初旅泊行都聞隣有貧士夜哭問之乃爲人責償鬻其女相與別元質慨然垂

橐予之 壽皇卽政以薦者入爲太學正歷祕書省正字校書郎禮部兼兵部遷右司侍經帷直史筆參掌內外制給事黃門知貢舉帝眷特厚爲書王褒聖主得賢臣頌及親製論以賜曰得天下之常才易得天下之大才難蓋常才智力之有限而大才謀慮之無窮此大才所以爲難得也今之朝士大夫當居臺諫給舍侍從之時評議朝政十中八九謀王體斷國論有優爲之者及一旦遷入政府

往往識慮詳明頓減於前使人得以反議其
後諺有旁觀者審當局者迷此不特爲奕者
之論以今日之秉政何翅於當局以昔日之
言事何翅於旁觀倘能易當局之迷而爲旁
觀之審天下之事有不足辦者雖然是豈可
與牽文泥古沽名釣利號爲俗儒者言之必
得器識宏博奇謀遠略卓然爲天下之大才
者然後可與矣非常之功歟出守當塗建業
成都皆有政績舊得程公闢光祿南園故居

之址旣歸杜門卻掃園林池館日以成趣扁
表其堂曰招隱優游自遂奉祠逾六七年以
正奉大夫敷文閣學士吳郡侯致其事而卒
年六十三贈金紫光祿大夫葬橫山平居未
嘗疾言厲色加人或評人短長及告以人之
傾已輒俛首欲寐每自謂於人無怨惡其心
休休然好善樂施家貲多推予諸弟未始較
人皆義之

烈女

吳孫奇妻范姬年十八配奇一年而奇亡父母以姬少寡無子迎還其家姬不肯歸迎者追之姬操刀割耳及鼻曰父母迎我者不過以我年少色美今已殘矣行將焉如於是迎者空反

烈女傳

張氏三女吳人皆有節行兄温爲孫權所囚姊妹已嫁者皆見錄奪其中妹先適同郡顧承官以改嫁丁氏成婚有日飲藥而死吳朝嘉歎鄉里圖畫爲之贊頌

吳文安傳

陸鬱生績之女績守鬱林所生故以名適同郡張温弟白有志節姚信嘗表稱之曰竊見故鬱林太守陸績女子鬱生少履貞特之行幼立匪石之節年始十三適同郡張白侍廟三月婦禮未卒白遭罹家禍遷死異郡鬱生抗聲昭節義形於色冠蓋交橫誓而不許奉白姊妹嶮巖之中蹈履水火志懷霜雪義心固於金石體信貫於神明送終以禮邦士慕則臣聞昭德以行顯行以爵苟非名爵勸善不

嚴乞聖朝斟酌前訓褒鬱生以義姑之號以厲兩髦之節

呂榮許升妻也升遊誕博戲不治操行榮躬勤家業以養其姑勸升學問常垂淚言之榮父惡升欲改嫁之榮曰命之所遭義無離異不肯歸升後感悔尋師遠學四年乃歸遂致名譽爲州所辟遇劫被害榮手刃殺升者以首祭升列女傳一說吳郡烈女呂榮許升妻也昇爲賊所殺遂欲干穢榮秉節不聽遂遇害是

日雷雨晦冥賊懼叩頭謝屍葬之後刺史名

其里曰義婦坂

文樞鏡要

晉張林妻徐氏者案張林碑曰夫人姓徐吳郡人柔惠清順中和聖善婦德旣備母道亦踐志厲冰玉厥德丕顯靡靡其操翼翼其仁明景內映從良從刀節外新共媿風邁淑謹其身張茂妻陸氏郡人茂爲吳郡太守爲沈充所害陸傾家產率義部曲討充充敗詣闕上書爲茂謝不尅之責詔曰茂夫妻忠誠舉門義烈

宜追贈茂太僕

宋顧琛吳人母孔氏孫恩亂後東土飢荒孔氏發家糧以賑邑里得活者甚衆生子皆以孔爲名

張冲張敖母戴顓女也有儀範張氏內取則焉冲敖皆爲名士

宮人韓蘭英郡人有文辭孝武時獻中興賦被賞入宮明帝用爲宮中職僚齊武帝以爲博士教六宮書學以其年老多識呼爲韓公齊

武帝或云前廢帝

范法珣郡人妻褚氏勤苦執婦業昇明中孫曇瓘謀反褚謂子僧簡云孫越州先姑之姊子汝宜收之曇瓘旣伏法褚令僧簡往斂葬永明中年七十餘卒僧簡在郡未至褚將殯舉尸不起尋而僧簡至焉

梁青冀二州刺史郡人張稷女楚媛適會稽孔氏無子歸宗州人徐道角作亂害稷楚媛以身蔽刃同遇禍

後周宣帝四后朱氏小女滿月吳人生靜帝後立為皇后班亞楊后靜帝立尊為帝太后隋初為尼改名法靜古今小名錄長安縣君丁氏晉公之妹陳君子之奇之母也晉公欲官二甥縣君固辭俾自以學術進晉公竦然稱歎之奇兄弟繼登科鄉里傳縣君之賢安定胡先生著丁氏賢惠錄蘇子美書之

吳郡志卷第二十七

終

同前後事也晉書吳郡志卷第二十七

吳郡志卷第二十八

進士題名

吳郡 范成大 撰

端拱元年程宿榜

龔識

淳化三年孫何榜

丁謂 宰相

錢昆 諫議大夫

謝濤 太子賓客

凌咸

陸元圭

龔緯 識弟

咸平二年孫暨榜

李堪

咸平三年陳堯咨榜

鄭載

譚應

許式

龔紀

緯兄

胡堯佐

許洞

鄭為

龔會元

識姪

大中祥符元年姚曄榜

唐儼

大中祥符四年張師德榜

富巖

大中祥符五年徐奭榜

林咸德

大中祥符八年蔡齊榜

謝絳

濤子

胡獻卿

范仲淹

參知政事

天禧三年王整榜

鄭修

為子

錢象先

吏部侍郎

天聖二年宋郊榜

葉清臣

翰林學士

鄭戩

載弟樞密副使

天聖五年王堯臣榜

李瑀

直講
堪子

龔宗元

識子

天聖八年王拱辰榜

范師道

仲淹
姪

元絳

參知
政事

鄭條

為子

林襲明

朱公綽

林茂先

襲明
兄

陳之武

景祐元年張唐卿榜

程師孟

鄭戴

戡弟
刑部侍郎

陸景

祝熙載

寶元元年呂溱榜

陳之奇

之武
兄

鄭君平

修子

陸絳

鄭戡

戡弟

張詵

天章閣
待制

慶曆二年楊寘榜

李瑜

瑀弟

孫規

黃頌

許奇

慶曆六年賈黯榜

崇大年

鄭方平

修子

皇祐元年馮京榜

范純仁

仲淹子
宰相

張儵

士廉
姪

李川

郎淑

皇祐五年鄭懈榜

滕甫龍圖閣學士

錢深

鄭汝平修子

支詠

郭鼎臣

范世京師道子

嘉祐二年章衡榜

陸元規

邾亶

嘉祐四年劉輝榜

朱長文公綽子

王純臣

丁偃

李逢原

張詢

陳之方

嘉祐六年王俊民榜

林嵩咸德姪

程寬師孟子

陸元長元規兄

嘉祐八年許將榜

沈括翰林學士

凌民瞻

郭附

黃顏

治平二年彭汝礪榜

孫載

治平四年許安世榜

張從文

吳純貺

張僅

李博聞

熙寧三年葉祖洽榜

郁澄

徐彥孚

鄭安平

鄭伸

凌民師

范世亮

熙寧六年余中榜

黃汝平

梅灝

林程

張顏

龔程

孫沖

黃頡

黃彥

熙寧九年徐鐸榜

張元素

張元弼

林植

郭際

顧襄

元豐二年時彥榜

秦希甫

張諤

林种

顏長民

元豐五年黃裳榜

嚴君鄰

孟醇

黃懿彥

元豐八年焦蹈榜

沈彥升
黃從周
周何

章衍之
謝翱
錢焯

元祐三年李常寧榜
周沔
丁觀

范敦樂
周沔
孫實

李博喻
陳傑

陳序

元祐六年馬洵榜

林虞
嚴適
程騫師孟

魏志
陳噩
施遠

鄭倬戩孫
黃策彥子

紹聖元年畢漸榜

胡浹
程亢
林穉茂先

富鈞嚴孫
胡安平
陳彥和

紹聖四年何昌言榜

郁師醇
魏憲志弟吏部侍郎
林處處兄

富洵嚴孫

元符三年李釜榜

顧植
張公厚
張漸

劉彥敦

方振

陶從才

徐端行上舍

崇寧二年霍端友榜

崔伯乘

潘允禮部侍郎

黃正彥

孫陶

黃昌衡

崔百勝

黃昌朝昌衡弟

褚覃

崇寧五年蔡薤榜

程元允師孟姪孫

李彌大尚書邊知章

龔況程子

陶振從才弟范聞

大觀三年賈安宅榜

王崇

朱發長文子

鄭聖任

胡思浹子

胡寬

李彌遠彌大弟侍郎

單師淵

李毗

政和二年莫儔榜

陳述

林閱

顏孚

林摯

顏為孚兄

方純彥

王闡

麋錯

政和五年何桌榜

陳起宗

錢觀復

張柟

黃偉

王裳

葉高節

顏子

裳弟

張敏功

沈季孫

顏采

長民子

唐輝

儼孫禮部侍郎

錢當時

葉蕤

政和八年嘉王榜

顏天選

魏賁

憲弟

徐廡

錢仲思

顏安時

天選叔

張德本

李益

瑀孫

鄭護

林璵

茂先孫

宣和三年何渙榜

程元弼

元允弟

范嵩

鄭作肅

錢豫

林友

宣和六年沈晦榜

范雱

余仔

達先伯

李大鼎

林儼

嵩姪

王葆

凌哲

吏部侍郎民師姪

何建中

鄭時

戩孫

居世英

富元衡

嚴孫

邊知白

戶部侍郎

凌邁

哲兄改名遠

建炎二年李易榜

倪成修

唐燁

燁弟

楊景

凌揆 哲弟

鄭揚

章藉

茅錫

胡利賓

孫觀

魏志 上舍附

鄭大讜 戴孫

紹興二年張九成榜

孫雄飛

錢南

周播

尤著

紹興五年汪應辰榜

孫起卿

觀子

范成象

雱姪

邾升卿

直孫

馬迥

紹興八年黃公度榜

王履

黃萬頃

陳長方

顏唐

天選姪

王嘉彥

葆姪

沈詢

紹興十二年陳誠之榜

何備

工部侍郎

王伯廣

許光國

袁鼇

嚴煥

君鄰姪

紹興十五年劉章榜

詹左

翁翊臣

李渥

錢佃

觀復子

吳攸

祝端表

張世衡 李衡

紹興十八年王佐榜

胡元質 給事 冷世光

康師旦 錯子 冷世修 世光弟 林光祖 虞姪

紹興二十一年趙遠榜

余松 錢俟 佃兄 成端亮

林育 顏發 唐弟 張允恭

紹興二十四年張孝祥榜

陳九思 衛稷 樂備

陳晉卿 楊思濟 范成大 雋子

趙思 陳崧卿 晉卿兄 鄒嶰

紹興二十七年王十朋榜

鄭庶 作肅姪 陳端友 顏度 發弟叔

王萬 葆弟 姚愈

紹興三十年梁克家榜

馬先覺 呂篆 方思 純彥姪

隆興元年木待問榜

章澥 胡元功 元質弟 唐子壽 輝子

王藝

成欽亮

弟端亮

鄒止宗

嶰弟

郁昇

袁宗仁

鼈子

姚申之

李廷直

賀三聘

羊光宋

乾道二年蕭國梁榜

薛甫

孫紹先

子雄飛

胡長卿

周建

俞允成

乾道五年鄭僑榜

何淇

備姪

李卞

姪起

林璞

璵孫

辛機

林琰

璞弟

林廷瑞

陳九德

弟九思

乾道八年黃定榜

范之柔

孫仲淹

鄭汝止

王有大

棠孫

吳兢

范藻

子成象

宋光遠

曹緯

淳熙二年詹駉榜

姚濟

錢萬頃

兄萬選

王毓

錢萬選

張舜卿

淳熙五年姚穎榜

胡坦 周日嚴 吳仁傑

淳熙八年黃由榜

黃由 狀元 王保大 有大弟 袁孫 蔣南金

淳熙十一年衛涇榜

衛涇 狀元 呂伯奮 陳熠

張攀 敏功 孫 黃演 策曾孫 顧叔康

呂申 夏允中 翁謙

淳熙十四年王容榜

胡林卿 顏叔淵 度姪 趙興祖

顧端臣 盛章 謝伯常

李應祥 衡子 余達先 仔姪

陳甫 劉大忠 林伯誠

紹熙元年余復榜

周南 上舍 蔡以中 朱晞顏

周褒然 李南 姪 公縉 李起宗 應祥兄

顏叔玠 叔淵 兄 丁慤 任相

陳振 顏叔平 叔玠 弟 葛燦

紹熙四年陳亮榜

黃涇 演弟 高之問

慶元二年鄒應龍榜

鄭準 葉蒙之 潘夢旂

胡允恭 蔣志行 趙汝宮

孔元忠 石宗王

慶元五年曾從龍榜

姚宜中 愈子 陳貴誼 汪棐

汪令圖 棐叔 麋溧 師旦子 顏叔瑤 叔平弟

潘興嗣 衛沂 涇兄

嘉泰二年傅行簡榜

曹函 漕試 趙黔夫 胡榮卿

趙綝 沈誠 詢孫 姜京

趙汝燥 趙汝初 高不倚

宋文英 曹大昌 吳埒

方賜復 弟萬里 楊昕

開禧元年毛自知榜

趙汝淳 鄭啓 陶永 叔振

周深源 南子

嘉定元年鄭自誠榜

衛洽 涇弟

衛价

孟繼顯

徐鼎

唐伯察

趙濬夫

辛忠嗣

博學宏辭一人

陳貴誼 慶元五年進士

嘉定四年趙建大榜

嵇源 上舍

陳德林 上舍

施振

方萬里

趙時謫

嘉定七年袁甫榜

衛洙

王尚輔 保大叔

張震發

顏儼 長民曾孫 為孫

黃必大

趙豐亨

嘉定十年吳潛榜

趙汝禔 汝初

趙希魯

麋楮 溧兄

趙濡夫

沈有開

王圭 父邁 乾道 已丑 鄭榜

蔡廉

嘉定十三年劉渭榜

黃保大 弟必大

王斗文 毓姪

趙滬夫

李公縉叔南 施秉貫温州寓居吳江 趙體國

謝鄆上舍 王埜從事郎 張新震發從弟

陶瑜叔祖永 周夢發

嘉定十五年上舍釋褐

李起伯卞 王熙載

嘉定十六年蔣重珍榜

鄭起潛上舍甲科 趙崇驥汝積子 朱檜

周申內舍南姪深源兄 蔡珏內舍 李任通直

郁雲內舍異姪 褚南右科姪孫 沈應昌

凌雲揆姪孫 王丙發

寶慶二年王會龍榜

盛文昭章姪 莫子文內舍 趙礪夫黔夫兄

趙崇諤 趙時伸礪夫子黔夫姪 葉酉發蒙之姪

徐章鼎弟 顏栻叔瑤妹 蔣南金

陶虎叔永姪瑜

紹定二年黃朴榜

盛文韶章姪文昭兄 郁中異姪雲弟 趙侶祖興祖弟

王寢敗

武舉進士題名

補注

建炎二年徐遂榜

褚孜 第二人

乾道五年趙鼐榜

朱子美 第二人

乾道八年林宗臣榜

朱起宗 推第一人 恩例 李岳

淳熙二年蔣介榜

沈嗣宗 孟湜

淳熙十一年

林燾 狀元

紹熙元年厲仲詳榜

蔡革
李頤

慶元二年

周虎 狀元

嘉泰二年葉滌榜

商覺民
時克復

開禧元年鄭公侃榜

呂轍

嘉定四年林汝浹榜

劉以中 絕倫

吳郡志卷第二十八

終夙觀後多屯普許也
董刊于虞山椒古巖

吳郡志卷第二十九

吳郡范成大撰

土物

干將莫耶二劍皆吳王闔廬所佩干將吳人與
歐冶子同師莫耶干將之妻干將作劍采五
山之鐵精六合之金英候天伺地陰陽同光
百神臨觀天氣下降而金鐵之精不銷干將
不知其由莫耶曰子以善為劍聞於王王使
作劍三月不成其有意乎干將曰吾不知其

理也莫耶曰夫神物之化須人而成今夫子作劍得無得其人而後成乎干將曰昔吾師作冶金鐵之類不銷夫妻俱入冶爐中然後成物後世卽山作冶麻經葢服然後敢鑄金於山今吾作劍不變化者其若斯耶莫耶曰師知爍身以成物吾何難哉於是干將妻乃斷髮翦爪投於爐中使童男童女三百人鼓橐裝炭金鐵乃濡遂以成劍陽曰干將陰曰莫耶陽作龜文陰作漫理干將匿其陽獻其

陰闔閭甚重之會魯使季孫來闔閭使掌劍大夫以莫耶獻之季孫拔劍之鏹中缺者大如黍米歎曰美哉劍也雖上國之師何能加之夫劍之成也吳霸有缺則亡矣我雖好之其可受乎不受而去干將墓在匠門外東數里承平時人耕其旁忽有青蛇繞足其人驚遽以刀斷之其前半躍入草中不復見徐視其餘乃折劍一段至暮欲持歸亦忽失之方惟深有詩具載其事

吳越春秋中吳紀聞

屬鏤之劍吳王夫差所以賜伍子胥者

吳越春秋

吳鴻扈稽二金鈎吳王闔閭所作闔廬既得干將莫耶復命國中作金鈎令曰能爲善鈎者賞百金吳作鈎者甚衆有人貪王重賞殺其二子以血釁金遂成二鈎以獻詣宮門求賞王曰爲鈎者衆子獨求賞何以異於衆夫子之鈎乎作鈎者曰吾之作鈎也貪而殺二子釁成二鈎王舉衆鈎示之曰何者是也鈎甚多形相類不知其所在鈎師向鈎呼二子之

名曰吳鴻扈稽我在此王不知汝之神也兩鈎俱飛著父胸吳王大驚賞百金遂服鈎不

離身

吳越春秋

太湖石出洞庭西山以生水中者爲貴石在水中歲久爲波濤所衝撞皆成嵌空石面鱗鱗作靨名彈窩亦水痕也沒人縫下鑿取極不易得石性溫潤奇巧扣之鏗然如鐘磬自唐以來貴之其在山上者名旱石亦奇巧枯而不潤不甚貴重白居易品牛僧孺家諸石以

太湖石為甲宣和五年郡人朱勔造巨艦載太湖石一塊入京師以千人舁進是日役夫各賜銀碗并官其四僕皆承節郎及金帶勔遂為威遠軍節度使而封石為盤固侯勔誅餘小石未獻者留郡西河兩傍悉歸張循王大家比年士大夫好石者多山中人始以旱石加斧鑿作玲瓏意又剝石面質作彈窩紋銜不識者或得善價其非巧石但青白玉質可作碑碣及甃砌堦祀者則出湖中之龜山瑩

潔可鑑堅潤如金玉亦為天下之冠程俱所

賦者是也陳洙太湖石賦并序客有嗜太湖

江之東直走數百里有太湖兮澄其清湖之浪相擊幾千年有頑石兮醜其形徒觀夫風撼根折波流勢橫神助爾怪天分爾英駭立驚犀低開畫屏素煙散而復聚蒼苔死兮又生譬夫枯槎浮天黑龍飲水鬼蹲無狀雲飛乍起稚戲攜手獸眠盤尾大若防風之骨竅如比干之密房萬穿秋山半尋子都之戟前其鏃韓稜之劔利於鑄若乃湖水無邊湖天一色露氣曉蒸蟾津夜滴伊爾堅姿峭兮寒碧千怪萬狀差難得而剖悉我將弔范蠡於澤畔問伍員於波際原君厥初何緣而異公侯求之如張華之求珠眾人獻之如卞和之獻玉植于庭囿視之不足噫爾形擁腫兮難琢明堂之礎爾形中虛兮難刻鴻都之經

用汝作礪今汝頑厥姿攻汝為磬兮汝濁其
聲亡所用之而時人是寶余獨掩口盧胡而
笑子之醜程俱太湖採石賦建中靖國元年
以修奉景靈西室下吳興吳郡採太湖石四
千六百枚而吳郡實採於包山其獲目此瑰
奇之產謹為賦云吳吏採石於包山也洞庭
鄉三老趨而進揖而言曰惟古渾渾物全其
天金藏於穴珠安於淵機械既發剖蚌全其
不翼而飛無脛而騁剗山探海階世之競迺
若富媪贅瘤則為山嶽茂草木於毛膚包嶺
巖於骨骸與瓦甕其無間何於焉而索今
使者窺復穴蕩沉沙搜奇疆於洞脚是巧勢
於丘阿呼靈匠以運斤指陽侯使息波豎江
山之崿嶸續劔閣之峩峩莫不剔山骨拔雲
根貞女屹立伏虎晝奔督郵攘袂以相覲令
史臨江而抗尊雖不遭於醢沃豈有恨於苔
痕嗟主人之不見侶羊牧之猶存何一拳之
足取笑九仞之徒勤既而山戶蛾集篙師雲

屯輸萬金之重載走千里於通津使山以爲
骨則土將圯使玉以爲璞則山將貧煑糧之
客歎終年之無飽談繼之老持一法其誰
論嘗聞不為無益則用之所以足惟土物愛
則民之所為淳怪斯取之安用非野夫之樂
聞敢請使者與論年矧齊侯之讀書豈輪人
得言三老曰極治之世樵夫笑不談王道至
聖之門鄙夫問而竭兩端野人固願知之對
曰上德大夫季通神明闡原廟之制安在天
之靈以謂物不盛則禮不備意不盡則享不
精故金瑰琛非天不祕其寶樟楠榿梓地不
愛其生而青州之怪猶未足於庭故於此
乎取之且鑿太行之行石英採穀城之文石以
起景陽於芳林者魏明之侈陋也菲衣惡食
卑宮室以致美乎祭祀者夏禹之勤儉也上
方戒後苑之事作緩文思之程示敦朴以正始
盡情文而事神此固上德之難明者矣抑嘗

聞之西有未夷之羌北有久驕之虜顧蹠血
之未艾乍遊魂而送死方將不頓一戈不馳
一羽殄醜類於烟埃瞰幽荒於掌股庶黃石
之斯在儻素書之可遇抑又聞之德雖修
不遺指伎之草萬國雖和猶豢觸邪之獸蓋
邪伎之盡心猶膏盲之自腠惟屬鏤之無知
顧尚方之奚抹故將鑄采石以爲劔凜豎毛
於佞首若是則在邊無汗馬之勞在庭無履
霜之咎也抑又聞之堯不能無九年之災湯
不能無七年之旱雖陰陽之或盪豈閉縱之
可緩故將放鞭石于宜都回雨暘於咳眄抑
又聞之扶耒之子有土不毛抱甕之老有茅
不薺富者侈而貧者惰游者逸而居者勞雖
齊導之有素奈狡兔而是逃故將取嘉石以
列坐平罷民於外郊抑又聞之故將取嘉石
川不閑則清聽之廣者視必遠基之固者室
不傾方披旒而出黠俾伐鼓而揚旌蓋蕭牆
之戒坐遠於千里朽索之馭益危於薄冰矧

四者之無告尤聖人之所矜故將盡九山之
赤石達萬寓之窮民三老悚然而興曰聖化
蓋至此乎吏曰此猶未也若其造化掌中宇
宙胸次彌綸兩儀而執天衡變理二氣而襲
氣母此包犧之婦所以引日星之針縷方將
鍊五色以補天育萬生於一府既無謝於襄
城之師又何驚於藐姑之處吾其與汝飲陰
陽之和而游萬物之祖矣又何帝力之知哉
三老稽首再拜曰鄙樸之人聾瞽其知鹿豕
其游竊臆妄議乃命知之白居易太湖石記古
之達人皆有所嗜縱法晏先生嗜書嵇中散
嗜琴靖節先生嗜酒今丞相奇章公嗜石石無
文無聲無臭無味與三物不同而公嗜之何
也衆皆怪之走獨知之昔故友李生名約有
云苟適吾意其用則多誠哉是言適意而已
公之所嗜可知矣公爲司徒保釐河洛治
家無珍產奉身無長物唯東城置一第南郭
營一墅精葺宮宇謹擇賓客道不苟合居常

寡徒游息之時與石為伍石有族聚太湖為
甲羅浮天竺之徒次焉今公之所嗜者甲也
先是公之寮史多鎮守江湖知公之心唯石
是好乃鈎深致遠獻瓌納奇四五年間纍纍
而至公於此物獨不廉讓東第南墅列而置
之富哉石乎厥狀非一有盤坳秀出如靈丘
仙雲者有端儼挺立如真官神人者有縝潤
削成如珪瓚者有廉稜銳劇如劒戟者又有
如虬如鳳若踈若動將翔將踴如鬼如獸若
行若驟將攫將鬪風烈雨晦之穴開噎
若欲雲歎雷嶷嶷然有可望而畏之者煙霽
景麗之且巖粵霍霽若拂嵐撲黛靄靄然有
可狎而翫之者昏曉之交名狀不可撮要而
言則三山五嶽百洞千壑覩縷簇縮盡在其
中百仞一牽千里一瞬坐而得之此所以為
公適意之用也常與公迫觀熟察相顧而言
豈造物者有意於其間乎將胚渾凝結偶然
成功乎然而自一成不變已來不知幾千萬

年或委海隅或淪湖底高者僅數仞重者殆
千鈞一旦不鞭而來無脛而至爭奇駭怪為
公眼中之物公又待之如兒孫不知精意有所
重之如寶玉愛之如兒孫不知精意有所召
耶將尤物有所歸耶孰為而來必有也石
大小其數四等以甲乙丙丁品之每品有上
中下各刻於石之陰曰牛氏石甲之上有
中丁之刻於石之陰曰牛氏石甲之上有
丙之刻於石之陰曰牛氏石甲之上有
內轉徙隱見誰復知之欲使將來與我好
者觀斯石覽斯文知公之嗜石之自會昌三
年五月丁丑記牛僧孺題太湖石二十韻奉
州遺太湖石奇狀絕倫因題二石詩序李蘇
得樂天詩胚渾何時結嵌空此日成掀蹲龍
虎鬪恢怪鬼神驚帶雨新冰淨轉敲碎玉鳴
攬又鋒刃簇纓絡鈎絲縈近水搖奇冷依松
助澹清通身鱗甲隱透穴洞天明醜凸隆胡
準深凹刻兕觥雷風疑欲變陰黑訝將行噤
瘳微寒早輪困數片橫地祗愁墊壓鼇足困

支撐珍重姑蘇守相
不怕浪中鯨利涉餘
千里嬾慢情為探湖
底堂初展見金玉自
風輕側眩魂滋悚周
觀意漸平似逢三益
友如對十年兄王黼
與添魔九消煩破宿
醒媿人當綺皓視秩
即公卿楠聊硿石蹙
為汝數逢迎劉禹錫
和題姑蘇所寄太湖
石兼寄李蘇州詩震
澤生奇石沉湖得地
靈初辭水府出猶帶
龍宮腥發自古查形
拂國來榮卿相庭從
風夏雲勢上漢古查
形拂國魚鱗見鏗鏘
玉韻聆烟波舍宿潤
苔蘇助青嵌穴胡鷓
貌纖鏗蟲篆銘孱顏
傲林薄飛動向雷霆
煩熱近還散餘醒見
便醒凡禽不志憂常
目擊素尚與心冥渺
小欺湘燕團圓獲人
爭賀歡謠衆共聽一
州驚閱寶千里遠

揚舲觀物洛陽陌懷
人吳御亭寄言垂天
翼早晚起滄溟白居易
堆峯駢仙掌出罅拆
劍落復崔嵬蒼然玉
蟠根下壯哉精神欲
門開峭頂高危矣蟠
根下壯哉精神欲氣
色壓亭臺隱起磷磷
狀凝成瑟瑟鬼胎廉
能摧奇應潛鬼怪靈
合蓄風雷黛潤沾新
雨班明帶古苔未曾
棲鳥雀不肯染塵埃
削琅玕筍深剗馬腦
壘海神移碣石畫障
入洛在比為尤物於
人負逸才渡江千筏
載入底置向相庭隈
對稱吟詩句看宜把
酒杯隨金碾用不學
玉山頽疎傳心偏愛
園公遠望老峩峩近
觀怪嶽峯纔高八尺
勢若千萬尋嵌空華
陽洞重疊匡山峯九
尺勢若千呀然劔門
深形貫今古氣色通
晴陰未秋已瑟瑟欲
雨先沉沉天姿信為
異時用非所

任磨刀不如礪擣帛不如砧何乃主人意重
之如萬金豈伊造物者獨能知我心又詩云
烟翠三秋色波濤萬古痕削成青玉片截斷
碧雲根風氣通巖穴苔文護洞門三峰具體
小應是華山孫皮日休詩茲山有石岸抵浪
如受暑雪陣千萬戰薛巖高下剗乃是天詭
怪信非人功夫六丁云下取難甚網珊瑚厥
狀復若何鬼工不可圖或拳若虺或躡巨
虎復若何鬼工不可圖或拳若虺或躡巨
或如天帝符降鉤鑲重疊如萼跗或若巨
露海眼移來和沙鬚求之煩耄倪載之勞舳
艦通侯一以眇貴却驪龍珠厚賜以睽費遠
去窮京都五侯土山下要爾添岳齧賞玩若
稱意爵祿行斯須苟有王佐士崛起於太湖
試問欲西笑得如茲石無陸龜蒙詩他山豈
無石厥狀皆可薦端然遇良工坐使天質變
或裁基棟宇礪砢成廣殿或剖出溫瑜精光
具華瑱或將破仇敵百礮資苦戰或用鏡功

名萬古如會面今之洞庭者一以非此選槎
牙真不材反作天下彥所奇者嵌壑所尚者
蔥蒨旁穿參洞穴內竅均環釧刻削九琳窻
玲瓏五明扇新瑀碧霞段旋剖秋天片無力
置池塘臨風只流眇胡宿詩海岱鉛松妄得
名洞庭山脚失寒瓊漱成一朶孤雲勢費盡
千年白浪聲誰向機邊逢織女直疑巖下見
初平年來賞物多成病日遠蒼苔幾遍行

石井松江二水唐張又新品第東南烹茶之水
爲七等以虎丘石井爲第三吳松江爲第六
今劔池傍經藏之後有大石井面濶丈餘嵌
巖自然上有石轆轤歲久堙塞今寺僧乃以
山後寺中土井爲石井甚可笑紹興三年主

僧如璧始淘古石井去淤泥五丈許四傍皆石壁鱗皴天成下連石底漸窄泉出石脈中一宿水滿井較之二水味甘冷勝劔池時郡守沈揆虞卿聞之往觀大喜爲作屋覆之別爲亭於井傍以爲烹茶宴坐之所自是古跡復出邦人咸喜

松江水在水品第六世傳第四橋下水是也橋今名甘泉橋好事者往往以小舟汲之

白雲泉在天平山腰乳泉也

白樂天詩天平山白雲泉雲自無

心水自閑何必奔衝下山去更添波浪向人間范仲淹靈泉在天半狂波不能侵神蛟穴其中渴虎不敢臨靜照秋碧泓然一勺深遊潤勝雲飛散作三日霖天造豈無意神化安可尋挹之如醍醐盡得清涼心聞之異絲竹不啻哀樂音月好群籟息涓涓度前林子晉罷雲笙伯牙收玉琴裴回不擬去復發滄浪吟乃云堯湯歲盈盈長若今萬里江海源千秋松桂陰茲焉如有價北斗量黃金陳純臣薦白雲泉書前進士陳純臣謹裁書獻於知府司諫閣下純臣聞仁智之性各有所樂蓋得之中而後寓之外也在昔仲尼登泰山曾點浴沂水聖賢之於寓亦已遠矣粵自剖判融結其中傑然若高嶽巨浸不待標異固已聳動人耳目不幸出於窮幽之地必有名世君子發揮善價所以會稽平湖非賀知章不顯丹陽舊井非劉伯初不振惟胥臺古郡直西不三十里有山曰天平山之中有泉曰

白雲山高而深泉潔而清儻逍遙中人覽寂
寞外景忽焉而來洒然忘懷碾北苑之一旗
煇并州之新火可以醉陸羽之心激盧仝之
思然後知康谷之靈惠山之英不足多尚天
寶中白樂天出麾吾鄉愛貴清泚嘗以小詩
詠題後之作者以樂天託諷雖遠而有所未
盡是使品第泉目者寂寂無聞蒙莊有云重
言十七令言而十有七為天下之信非閣下
而誰歟恭惟閣下性得泉之醇才猶泉之濬
仁稟泉之勇智體泉之動霽是四雅鍾於一
德又豈吝陽春之辭以發揮善價純臣先人
松檟真彼一隅歲時往還嘗愧文辭窘澀不
足為來今之信儻閣下一漱齒牙之末孽牋
發詠樂天如在當斂策避道不任拳拳之誠
錢藻白雲巖靜最深隍泉溜泓溶石竇開宿
霧不生澄曉月殘風輕漾蟄寒雷源從天漢
星邊落流自鰲峯海上回莫謂
無心事奔注曾隨霖雨下山來

憨憨泉在寶華山寺之東山半極清冽相傳為
得道僧名憨憨和尚者卓錫所出

法雨泉在穹窿山

隱泉在洞庭西山毛公壇道側真誥所謂白芝
隱泉其水紫色

白磻出陽山鑿山為坑深數十百丈始得初如
爛泥見風漸堅膩滑精細他處無比者土人
亦當白石脂用本草注吳郡貢石脂則知可
作石脂用又有一等紅紫色者亦以當赤石

脂用也

綵牋吳中所造名聞四方以諸色粉和膠刷紙
隱以羅紋然後研花唐皮陸有倡和魚牋詩
云向日乍驚新繭色臨風時辨白萍文注魚
子曰白萍此豈用魚子耶今法不傳或者紙
紋細如魚子耳今蜀中作粉牋正用吳法名

吳牋

五酸

徒鬪反

酒白居易守洛時有謝李蘇州寄五
酸酒詩今里人釀酒麴米與漿水已入甕翌

日又以米投之有至一再投者謂之酸其酒
則清冽異常今謂之五酸是米五投之耶李
蘇州疑是李紳

綠頭鴨水禽村人皆養之養者名家鴨野生者
名野鴨野鴨多綠頭世傳陸龜蒙居笠澤有
內養使杭州舟出舍下龜蒙家童以小舟驅
群鴨出內養彈其一折頸龜蒙遽從舍出大
呼云此綠鴨有異善人言適將獻狀本州貢
天子今持此死鴨以詣官自言耳內養甚驚

厚祈之龜蒙笑而止因徐問龜蒙曰此鴨何

言曰常自呼其名談苑唐李邕鬪鴨賦東吳

蟻沸金樽賓僚霧進遊俠星奔桂舟今錦纜

碧潤兮花源爾乃輟輕橈登水閣絲管進

而獻酬交錯雲欲起而中留塵將飛而遂落既

而酣譔徒座取物為娛徵羽毛之好鳥得勃

解之仙鳧坐籠而振少步而趨啞爭食離

徙帶鵝隨綠波而澹蕩向紅藻而敷愉鳧之

為物也詭類殊種遷延遲重其聚則同而不

和其鬪則仁而有勇參差贅聚颯沓續紛其

浮蔽水其族如雲共波而弄吭各求匹而

為群繞菰蒲而相逐隔洲渚而相聞於是乎

會合紛泊崩奔鼓作集如異國之同盟散若

折衝或奮振以前却疑迅力兮決勝終追飛

今襲弱聲謂驚鴻迴疑迅力兮決勝終追飛

翻兮躡躍忽驚迸以差池儵沉浮而閃爍號

噪兮沸亂頃耳為之無聞超騰兮往來澄潭

為之潰濩排錦石蹴瓊沙披羽翰鯨煙霞避

鶴媒吳人射鳥養一馴鶴使行前而以草木葉

為盾以自翳挾弩矢以伺之群鳥見鶴以為

同類無猜遂為矢所中陸龜蒙有鶴媒歌以

譏同類相陷者歌云偶繫漁舟汀樹枝因看

下背翳見媒心不疑媒閑靜立如無事清啖

同類梳刷宛若相逢喜祗怕纔來又驚起窺
鱗咏藻乍低昂立定當胸流一矢媒權舞躍
勢離披似諂功能邀弩兒雲飛水宿各自物
妒侶害群由爾為而況人間有各利外頭笑
語中猜忌君不見荒陂野鶴
陷良媒同類同聲真可畏

鷓鴣水禽陸龜蒙嘗得之於震澤黑襟青脰丹

爪嚼色幾及項龜蒙哀其野逸而囚錄籠檻

為賦詩焉詞賦曾誇鷓鴣雖蒙靜置疎籠晚不

似閑栖折葦秋自昔稻梁高鳥畏至今珥組
野人讎防微避繳無窮事好與裁書謝白鷗

炙魚吳公子光將殺王僚與專諸謀之專諸曰

王好何味光曰好嗜魚之炙也專諸乃去從

太湖學炙魚三月得其味光饗王僚王僚被

崇鍊之甲三重專諸置魚腸炙魚中以進擘

炙魚推匕首刺王僚貫甲達背焉吳越春秋

魚鱠吳王聞三師將至治魚為鱠將到之日過

時不至魚臭須臾子胥至闔閭出鱠而食不

知其臭復重為之吳人作鱠自闔閭始也吳越

春秋

鱠殘魚吳王孫權江行食鱠有餘因棄之中流

化而為魚今有魚猶名吳餘鱠者長數寸大

如筋尚類鱠形案此卽今之鱠殘魚

博物志

鱸魚生松江尤宜鱠潔白鬆軟又不腥在諸魚之上江與太湖相接湖中亦有鱸俗傳江魚四鰓湖魚止三鰓味輒不及秋初魚出吳中好事者競買之或有遊松江就鱠之者後漢左慈嘗在曹操坐操曰今日高會珍羞略備所少吳江鱸魚耳慈曰此可得也因求銅盤貯水以竹竿餌釣於盤中須臾引一鱸魚出操曰一魚不周坐席可更得乎慈乃更餌沉

之須臾復引出皆長三尺餘生鮮可愛操使鱠之周浹會者鱸鱠爲世所珍久矣晉張翰字季膺爲大司馬東曹掾因秋風起思鱸魚鱠菰葉羹遂罷官歸金谷園記謂鱸魚常以仲秋從海入江菰葉南越人以箭筍和爲羹甚珍魚白如玉菜黃如金隋人已呼爲金羹玉鱠大業中吳郡嘗獻鱸鱠絲鱠事具鮓魚

條

陶弼江上魚者詩云江上往來人但愛鱸魚美君看一葉舟出沒風波裏東坡和文與可洋州金橙徑詩云金橙縱復里人知不見鱸魚價自低須是松江烟雨裏小船燒薤

擣香
菴

白魚出太湖者爲勝舊說此魚於湖側淺水菰蒲之上產子民得採之隨時貢入洛陽吳人以芒種日謂之入梅梅後十五日謂之入時白魚於是盛出謂之時裏白

石首魚吳地記吳郡魚城下水中有石首魚至秋化爲鳧鳧頂中有石吳錄又云婁縣有石首魚至秋化爲鳧鳧頭中猶有石今惟海中之其味絕珍大略如巨蟹之蝟爲江海魚中之

冠夏初則至吳人甚珍之以棟花時爲候諺曰棟子花開石首來筍中被絮舞三臺言典賣冬具以買魚也此時已微熱魚多肉敗氣臭吳人旣習慣嗜之無所簡擇故又有忍臭喫石首之譏二十年來沿海大家始藏冰悉以冰養魚遂不敗然與自鮮好者味終不及以有冰故遂販至江東金陵以西此亦古之所未聞也海上八月間又有一種石首此時天涼不假冰養而自鮮美謂之回潮石首

河豚魚世傳以爲有毒能殺人魚無頰無鱗與目能開闔及作聲者有毒而河豚備此四五者故人畏之此魚自有二種色淡黑有文點謂之斑子尤毒然人甚貴之吳人春初會客有此魚則爲盛會長朝烹之羹成候客至率再溫之以進云尤美或云其子不可食其子大如一粟浸之經宿則如彈圓又云中其毒者水調炒槐花末及龍腦水至寶丹皆可解橄欖子亦解魚毒故羹中多用之反烏頭附

子荆芥諸風藥服此等藥而食河豚及食河豚而後卽服藥皆致死蘇文定公轍嘗記吳人丁騭因食河豚而死以爲世戒

明道雜志

針口魚口有細骨半寸許其形如針春時群集於松江長橋之下土人撈取以爲乾餉遠味甚腴

菰葉羹晉張翰所思者按菰卽芡也菰首吳謂之芡白甘美可羹而葉殊不可噉疑葉衍或誤今人作鱸羹乃芡以蓴尤有風味

熙寧七年太和宮得大龜徑二尺其尾五介甲甚堅人云計數百歲

蟬江湖海浦皆有之松陵倡和有海蟬詩然能發風生疾故皮日休詩云病中無用雙螿處陸龜蒙詩云藥盃應阻蟬螿香蓋吳人所嗜也相傳稻之登也率執一穗以朝其魁然後從其所之早夜鬻沸指江而奔漁者緯蕭承其流而障之曰蟬斷得遯者奔紛越軼以入于江則形質浸大矣漁者又斷而求之其得

遯者遂入於海形質益大海人亦異其稱謂

矣

笠澤叢書

吳郡志卷第二十九

終同韻後多也晉許氏
董刊于虞山微古閣

吳郡志卷第三十

吳郡 范成大 撰

土物下

彭蠡吳人呼為彭越蓋語訛也足上無毛堪食

吳越間多以鹽藏貨於市

嶺表錄異

白魚種子隋大業六年吳郡貢入洛京敕付西苑內海中以萬把別遷著水十數日即生小魚取魚子法候夏至前三五日日暮時白魚長四五尺者群集湖畔淺水中有菰蔣處產

子著菰蔣上三更產竟散去漁人刈取草之
有魚子著上者曝乾爲把故洛苑有白魚大業

雜記

鮓魚出海中鱗細紫色無細骨不腥隋大業六
年吳郡獻鮓魚乾膾十四瓶浸一瓶可得徑
尺盤十所又獻其作乾膾法五六月海中取
此魚縷切曬乾盛以瓷瓶密封泥欲食開取
以新布裏大盆盛井底浸久出布灑却水則
敷然散著盤上帝以示群臣曰昔術人介象

於殿庭釣得海魚此幻化耳今日之膾乃是
東海真魚亦一時奇味又獻鱸魚乾膾六瓶
作膾法如鮓魚大業雜記

鮓魚含肚隋大業六年亦吳郡獻之多至千頭
六七月取魚長二尺珍者皮光徹如黃
油鹹有味賢於石首含肚時有口味使大
都督會稽人杜濟者作此等食法以獻煬帝

大業雜記

海蝦子大業六年吳郡獻四十挺挺一尺濶二

子著菰蔣上三更產竟散去漁人刈取草之
有魚子著上者曝乾爲把故洛苑有白魚大業

雜記

鮓魚出海中鱗細紫色無細骨不腥隋大業六
年吳郡獻鮓魚乾膾十四瓶浸一瓶可得徑
尺盤十所又獻其作乾膾法五六月海中取
此魚縷切曬乾盛以瓷瓶密封泥欲食開取
以新布裏大盆盛井底浸久出布灑却水則
敷然散著盤上帝以示群臣曰昔術人介象

於殿庭釣得海魚此幻化耳今日之膾乃是
東海真魚亦一時奇味又獻鱸魚乾膾六瓶
作膾法如鮓魚大業雜記

鮓魚含肚隋大業六年亦吳郡獻之多至千頭
六七月取魚長二尺珍者皮光徹如黃
油鹹有味賢於石首含肚時有口味使大
都督會稽人杜濟者作此等食法以獻煬帝

大業雜記

海蝦子大業六年吳郡獻四十挺挺一尺濶二

寸厚寸許先取海中白蝦子以小布袋盛末
鹽封之日曬夜則平板壓乾則破袋出之包
如赤瑠璃美勝鱸子其說又云白蝦一石僅
約五升暴殄之酷無烈於此今鱸子猶存而
蝦子則人不忍作矣

大業雜記

鯉腴鮓出太湖隋大業十二年吳郡獻之純以
鯉腴爲之一瓶用魚四五百頭味過鱸鮪

大業

雜記

蜜蠚擁劔皆大業六年吳郡所獻蜜蠚糖蠚之

類擁劔卽吳都賦所謂烏賊擁劔者自白魚
子而下至蜜蠚等皆煬帝窮侈縱欲之時吳
郡以爲貢多殺物命以共口腹旋致喪亡之
禍續圖經言之切矣此等物今不復製作但
其事登載未詳故重錄之併以爲世戒

紅蓮稻自古有之陸龜蒙別墅懷歸詩云遙爲
晚花吟白菊近炊香稻識紅蓮則唐人已書
此米中間絕不種二十年來農家始復種米
粒肥而香

再熟稻一歲兩熟吳都賦鄉貢再熟之稻蔣堂
登吳江亭詩云嚮日草青牛引犢經秋田熟
稻生孫注云是年有再熟之稻細考之當在
皇祐間今田間豐歲已刈而稻根復蒸苗極
易長旋復成實可掠取謂之再捺稻恐古所
謂再熟者卽此

綠橘出洞庭東西山比常橘特大未霜深綠色
臍間一點先黃味已全可噉故名綠橘又有
平橘比綠橘差小純黃方可噉故品稍下而

其皮正入藥今市賣橘皮多雜以柑皮及永
嘉區橘皮不可不察芝田錄云韋蘇州寄橘
詩云書後欲題三百顆洞庭須待滿林霜蓋
南史有人題書尾曰洞庭霜橘三百顆韋正
用此事余按王右軍帖亦云奉橘三百枚霜
未降不可多得同出於此

唐可頻瑜洞庭清
新橘賦以湖海清
和遠人修貢為韻云洞庭之遠兮亘全楚而
連巨吳路悠悠以窮塞波淼淼而平湖遠國
之奧壤中華之外區土所宜兮四方各異珠
果斯出兮諸夏或無至於白商謝縱法律改
風落遙林寒生窮海枇杷落而將盡荔枝摘
而不待然後浮香外散美味中成照斜暉而

金色帶曉潤而霜清圓甚垂珠琪樹方而向
熟味可適口玉果比而全輕在禹貢非它於
周制則郝充厥苞於林下發使者於江淹穰
橙不得而雜楚柚不歲得而所獻者皆歎其
美所貴者不以其多入離本枝而不返其價
而甚遠齊方物以全入離本枝而不返其價
可重其味可珍固綠蒂而未變施素錦而猶
新若夕發於南國已朝奉於北辰匪雕飾以
自媚實羽翼以因人獻芹者既北辰匪雕飾
桃者何足以等倫豈比夫江北則枳江陵則
洲隨檀梨而莫逐備職貢而無由同碩果而
已矣望君門今則備乎淮浦生則阻乎雲夢獨
衆斯橘也來則備乎淮浦生則阻乎雲夢獨
擅美於當今及歲時而入貢第二區苞之橘
垂衣裳而制萬國舞千戚而來九區苞之橘
柚至自江湖歲以爲常知方輸之必有時而
後獻表庭實之何無其來則風秋洞庭霜落
環海元侯布教下吏旁採碧林冬生大小異

名乍去霜帶初辭綠莖然後盛以瀟湘之竹
束以江准之菁背楚塞以西走望秦雲而北
征上方端想無聲閱彼要荒之貢得斯華實
宰張大樂而無聲閱彼要荒之貢得斯華實
之英乃明四目乃序九歌朱紱方來以彰其
道泰碩果可食以表其時和時和在平務本
來知萬方之柔遠一橘之名也則珍橘之熟也
惟新越彼千里獻于純人丹其附荔枝於未
正酸其味舍木德之純足荒陬升聞莫由烟
遺檳榔於後塵然以出夫湮沉可達職貢可
波無已歲月空留豈知夫湮沉可達職貢可
修辭草澤以孤往象金門而見收物之因人
也則其以衆人之象物也豈不見收物之因人
之可儔希成名于入貢白居易揀貢橘書情
洞庭貢橘揀宜精太守勤王請自山行珠顆形
容隨日長瓊漿氣味得霜成登山敢惜駘
力望闕難伸蠅蟻誠疎賤無由親跪獻願憑

朱實表丹誠梅摯新橘千頭霜熟摘來新包
貢虔修望紫宸它日功成許高退社中還結
素封人

真柑出洞庭東西山柑雖橘類而其品特高芳
香超勝為天下第一浙東江西及蜀果州皆
有柑香氣標格悉出洞庭下土人亦甚珍貴
之其木畏霜雪又不宜早故不能多植及持
久方結實時一顆至直百錢猶是常品稍大
者倍價併枝葉剪之飭盤時金碧璀璨已可
人矣安定郡王以釀酒名洞庭春色蘇文忠

公為作賦極道包山震澤土風而極於追鵝
夷而酌西子其貴珍之至矣又有三日手猶

香之詞則其芳烈又不待言而知蘇軾洞庭

安定郡王以黃柑釀酒名之曰洞庭春色其
猶子德麟得之以餉予戲作賦曰吾聞橘中
之樂不減商山豈霜餘之幻藏千歲於一班
游戲於其間悟此世于泡幻藏千歲於一班
舉棗葉之有餘納芥子其何艱宜賢王之達
觀寄逸想於人寰嫋嫋兮春風泛天宇兮清
閑駕洞庭之白浪漲北渚之蒼灣攜佳人而
往游勤霧鬢與風鬟命黃頭之千奴卷震澤
而與俱還糝以二米之禾藉以三脊之菅忽
雲烝而霧解旋珠零而涕潛翠勺銀罌紫絡
青綸隨屬車之鳴夷款朱門之銅環分帝觴
之餘瀝幸公子之破慳我洗盞而起嘗散腰

足之痺頑盡三江於一吸吞魚龍之神姦醉
夢紛紜始如髭蠻鼓包山之桂楫如林屋之
瓊關臥松風之瑟縮揭春溜之淙潺追范蠡
於渺茫弔夫差之厚鰥屬此觴於西子洗
國之愁顏驚羅襪之塵飛失舞袖之弓彎覺
而賦之以授公子曰嗚呼噫嘻吾言夸矣公
子其為我刪之

海杏大杏也范蠡宅在湖中有海杏大如拳今

吳下杏猶有如小兒拳大者

地理誌

連根柿吳令顧修期言縣西鄉有柿樹殊本合

條義熙起

方蒂柿出常熟蒂正方柿形亦方色如鞞紅味

極甘鬆它紅柿無能及者近年城中園戶亦
接其種然味不及常熟

韓梨出常熟韓丘皮褐色肉如玉每歲所生不
多價極貴凡梨削皮切片不移時色必變惟
韓梨雖經日不變所以獨貴

頂山栗出常熟頂山比常栗甚小香味勝絕亦
號麝香囊以其香而軟也微風乾之尤美所
出極少土人得數十百枚則以綵囊貯之以
相饋遺此栗與朔方易州栗相類但易栗殼

多毛頂栗殼瑩淨耳

蠟櫻桃自唐已有吳櫻桃之名今之品高者出

常熟縣色微黃名蠟櫻桃味尤勝朱櫻不能尚

白樂天吳櫻桃含桃最說出東吳香色鮮穠氣味殊洽恰舉頭千萬顆婆娑拂面兩三株

鳥偷飛處銜將火人摘爭時踏破珠

梅譜并序梅天下尤物無問智愚賢不肖莫敢

有議吳下所出而成大得而植於范村者十

二種嘗為譜之今掇其名狀略志於此梅譜

或曰謂之野梅凡山間水濱荒寒清絕之趣皆

此本也花稍小而疎瘦有韻香最清實小而
硬曰早梅花勝直脚梅吳中春晚二月始爛
漫獨此品於冬至前已開或重陽後即有花
者故得早名曰官城梅吳下圍人以直脚梅
擇他本花肥實大者接之花遂數映實亦佳
可入煎造詩人所稱官梅止謂在官府園圃
中非此官城梅也曰消梅與江梅官城梅
相似其實圓小鬆脆多液無滓多液則不耐
日乾故不入煎造亦不宜熟惟堪青噉比梨
亦有一種輕鬆者名消梨與此同意曰古梅
枝膠曲萬狀蒼蘚鱗皴封滿本又有意曰古
垂於枝間或長數寸至綠絲飄飄可玩其自
湖之武康所得者則不變曰重梅中之奇品花
豐葉重數層盛開如小白蓮梅中之奇品花
房獨出而結實多雙尤為瑰異極梅之變化
工無餘巧矣曰綠萼梅凡梅花附蒂皆絳紫
色惟此純綠枝梗亦青特為清高好事者比
之九華仙人萼綠華京師良嶽有萼綠華堂

其下專植此本入間亦不多有為時所貴重
吳下又有二種萼亦漸綠四邊猶淺絳亦自
難得曰百葉細梅亦名黃香梅亦名千葉香
梅花葉至二十餘瓣心色漸黃花頭差小而
繁密別有一種芳格猶是梅而繁密則如杏
曰紅梅粉紅色標格猶是全未識渾作杏花
香亦類杏詩人北人全未識渾作杏花看
之句與江梅同開紅白相映園林初春絕景
也西清詩話云紅梅承平時獨盛于姑蘇晏
元獻公始移植西崗圃中一日貴游賂園吏
得一枝分接由是都下有三二本晏嘗與客飲
花下賦詩曰若更遲開三月二月北人應作杏
花看客曰公詩固佳待北俗何淺耶晏笑曰
儂父安得不然王琪君玉時守郡聞盜花種
事以詩遺公曰館娃宮北舊精神粉瘦瓊寒
露葉新園吏無端偷折去鳳城從此有雙身
此花當時罕得如此比來展轉移接殆不勝
數吳下紅梅詩傳于世者甚多獨方惟深一

篇號絕唱梅聖俞認桃無綠葉辨杏有青枝
當時以為著題東坡詩老不知梅格在更看
綠葉與青枝蓋謂其不韻為紅梅解嘲云曰
鴛鴦梅多葉紅梅也花輕盈重葉數層凡雙
果必並蒂惟此一蒂而結雙梅亦有尤物曰杏
梅花比紅梅色微淡結實甚區有爛斑色全
似杏味不及紅梅曰蠍梅似蜜脾故名蠍梅凡
梅同時香又相近色酷似蜜脾故名蠍梅凡
三種以子種出經接花疎雖盛開花常半含
俗謂之狗蠍梅似僧磬之口也最先開色深黃
名磬口梅花言似僧磬之口也最先開色深黃
如紫檀花香穠名檀香梅此品最佳蠟梅香
極清芳殆過梅香初不以形狀貴也故難題
詠山谷簡齋但作五言小詩而已此花多宿
葉結實如垂鈴尖長寸餘又如大桃奴子在
其中白居易郡圃新栽梅池邊新種七株梅
欲到花時點檢來莫怕長洲桃李妬今年好
為使君開方惟深紅梅清香皓質世稱奇添

在輕紅也自宜紫府與丹來換骨春風吹酒
上凝脂真教臘雪無藏處只恐朝雲有去時
溪上野梅何足種
秦人應獨未相知

蜜林檎實味極甘如蜜雖未大熟亦無酸味本
品中第一行都尤貴之他林檎雖硬大且甜
紅亦有酸味鄉人謂之平林檎或曰花紅林
檎皆在蜜林檎之下

金林檎以花爲貴此種紹興間有南京得接頭
至行都禁中接成其花豐腴艷美百種皆在
下風始時折賜一枝惟貴戚諸王家始得之

其後流傳至吳中吳之爲圃畦者自唐以來
則有接花之名今所在園亭皆有此花雖已
多而其貴重自若亦須至八九月始熟是時
已無夏果人家亦以飭盤

蓮花海棠花中之尤也凡海棠雖艷麗然皆單
葉獨蜀都所產重葉豐腴如小蓮花成大自
蜀東歸以瓦盆漫移數株置船尾纔高二尺
許至吳乃皆活數年遂花與少城無異
桂本嶺南木吳地不常有之唐時尚有植者白

樂天謂蘇之東城古吳都城也今為樵牧之
場有桂一株生乎城下惜其不得地因賦三
絕句以唁之近世乃以木犀為巖桂詩人或
指以為桂非是白居易子墮本從天竺寺根盤今在闔閩城當時應逐南風落落向人間取次生鱸櫓帆厭檻持每霜雪壓多雖不死荆榛長疾欲相埋長憂落在樵人手賣作蘇州一束柴○遙知天上桂華孤試問姮娥有更無月宮幸有閑田地何種兩株
柳以垂者為貴吳下士大夫家有得鳳州種者
其半拂地復堆如尺石湖綺川兩傍亦有之

樂天蘇州柳金谷園中黃嬭娜曲江亭畔碧婆娑老來處處遊行徧不似蘇州柳最多絮撲白頭條拂面使君無計柰春何樓綴娑

扶芳初生纏繞它木葉圓而厚夏月取葉火炙
香煮以為飲色碧綠而香隋大業五年吳郡
貢二百本入洛京植之西苑時尚食直長謝
諷造食經具四時飲春有扶芳飲大業雜記
牡丹唐以來止有單葉者本朝洛陽始出多葉
千葉遂為花中第一頃時朱勔家圃在閬門
內植牡丹數千萬本以繒絲為幕彌覆其上

每花身飾金為牌記其名劬敗官籍其家不
 數日墟其圃牡丹皆拔而為薪花名牌一枚
 估直三錢中興以來人家稍復接種有傳洛
 陽花種至吳中者肉紅則觀音崇寧壽安王
 希疊羅等紅淡紅則風嬌又名勝一捻紅深
 紅則朝霞紅又名富鞞紅雲葉及茜金球紫
 中貴牛家黃等不過此十餘種姚魏蓋不傳
 矣王元之長洲種牡丹偶學豪家種牡丹數
 枝擊露出朱欄晚來低面開檀口似笑窮
 愁病長官吳縣廳前冬日雙開牡丹歌君不
 見年年三月千叢媚紫爛紅繁誇勝異尋常

人戴滿頭歸醉折狂分不為貴枝閑梁盡根
 空培人情皆待明年開化工自有呼魂術霜
 前喚下瓊瑤臺王母親將金粉傳麻姑齊借
 霞裳來主人蓋是神仙才不然此物胡為而
 來哉二姬勸酒誰引滿長洲懶史先舉杯多
 感同年與攀折吟詩欲謝難輕發青宮校書
 方遁跡代我作歌如錦拆他年
 吾輩功業成與君共作騎鯨客

菊所在固有之吳下尤盛城東西賣花者所植
 彌望人家亦各自種圃者伺春苗尺許時掇
 去其顛數日則歧出兩枝又掇之每掇益歧
 至秋則一幹所出數百千朵婆娑團欒如車
 蓋薰籠矣人力勤土又膏沃花亦為之屢變

淳熙丙午歲成大植於范村者正得三十六

種嘗為譜之今掇其名狀之略志於此范村

略云凡黃花十七種曰勝金黃一名大金黃
菊以黃為正此品最為豐縹而加輕盈花葉
微尖但條梗纖弱難得團簇作大本須留意
扶植乃成曰豐金黃一名明州黃又名小金
黃花心極小疊葉穠密狀如笑靨花有富貴
氣開早曰棣棠菊一名金鮓子花纖穠酷似
棣棠色深如赤金它花色皆不及蓋奇品也
窠株不甚高如金陵最多曰疊羅黃狀如小
黃花葉尖瘦如剪羅穀三兩花自作一高枝
出叢上意度瀟灑曰麝香黃花心豐腴傍短
葉密承之格極高勝亦有白者大略似白佛
頂而勝之遠甚吳中比年始有曰千葉小金
錢略似明州黃甚花葉中外疊整齊心甚大
曰太真黃花如小金錢加鮮明曰單葉小金

錢花心尤大開最早重陽前已爛熳垂絲菊
花藥深黃莖極柔細隨風動搖如垂絲海棠
曰鴛鴦菊舉體千葉細葉深碧曰金鈴菊一名
荔枝菊長茂可以攬結江東人喜種之有結為
枝條長閣高丈餘者曰毬子菊如金鈴而差
浮圖樓閣高丈餘者曰毬子菊如金鈴而差
小二種相去不遠其大如小名字出于栽培肥
瘠之外曰小金鈴菊花密條柔以長如藤蔓可
本夏中開曰藤菊花密條柔以長如藤蔓可
編作屏障亦名棚菊種之坡上則垂下裊裊
數尺如纓絡尤宜池潭之瀕曰十樣菊一本
開花形如纓絡尤宜池潭之瀕曰十樣菊一本
如金鈴往各異或池潭之瀕曰十樣菊一本
樣錦衢嚴往各異或池潭之瀕曰十樣菊一本
一名家菊人家種以供蔬茹凡菊葉皆深綠
而厚味極苦或有毛惟此葉淡綠葉皆深綠
甘咀嚼香味俱勝擷以作羹及汎茶極有風
致天隨子所賦即此種花差勝野菊野菊旅

生田野及水濱花單葉極瑣細曰五月菊花
心極大每一鬚皆中空攢成一區遂子細白
單葉繞承之每枝只一花徑二寸葉似同蒿
夏中開近年院體畫草蟲喜以此菊寫生曰
金杯玉盤中心黃四傍淺白大葉三數層花
頭徑三寸菊之大者不過此本出江東比年
稍移我吳下此與五月菊二品以其花徑寸
特大故列之于前曰喜容千葉花初開微黃
花心極小花中色深外微暈淡欣然可以引
喜色甚稱其一名久則變白尤耐封植可以
長七八尺至一丈亦可攬結白中略似喜容
曰御衣黃千葉花初開深鵝黃大略似喜容
而差疎瘦久亦變白曰萬鈴菊中心清曰蓮
子傍白花葉繞之花端極尖香尤清曰蓮花
菊如小白蓮花多葉而無心花頭疎極蕭散
清絕一枝只一葩葉亦綠甚曰芙蓉菊開就
者如小木芙蓉尤穠盛者如樓子芍藥但難
培植多不結繁曰未利菊花葉繁縟全似未

利綠葉亦似之長大而圓淨曰木香菊多葉
略似御衣黃初開淺鵝黃久則淡白葉尖
薄盛開則微卷芳氣最烈一名腦子菊曰
醺菊細葉稠疊全似醉醺比末利差小而
曰艾葉菊心小葉單綠葉尖長似蓬艾曰
麝香似麝香黃花差小亦豐腴韻勝曰白
枝與金鈴同但花白耳曰銀杏葉曰菊時
微紅花葉尖綠全似耳曰銀杏葉曰菊時
頭極大一枝只一葩喜倒垂下久則微捲如
髮之鬢曰佛頂菊亦名佛頭菊中黃心極
四傍白花菊一層繞之初秋先開白漸變
紅曰桃花菊多葉至四五重粉紅色濃淡
桃杏紅梅之間未霜即開最爲妍麗中秋後
便可賞以質如白之受采故附麗花曰燕
脂菊類桃菊深紅淺紫比燕脂色尤重比
年始有之此品既出桃花菊遂無色益奇
也姑附白之此品既出桃花菊遂無色益奇
紫茸叢茁細碎微有菊香或云即澤蘭也以

其與菊同時又常及重九故附於菊

萱艸一名紫萱又名忘憂艸吳中書生呼為療

結花王子年拾遺

麝香萱吳中有之述異記謂香似紅藍而甚芳

今吳下所植其花淡黃比常萱差瘦弱香全

類末利為可貴也

錦帶花又名海仙蓋王元之名也此花雖處處

皆有吳中者特香略如瑞香山礬輩園中夾

路多植之梅摯海仙花泥根捧入故吳宮暖力迎隨帶漸紅頰樵本僻綿今帶狂

栽近木蘭殊有意留連文酒繫春風穠嫩醜醜壯礬灑法

石竹花草花也狀如金錢陸龜蒙石竹花詠所

謂金錢買春風者陸龜蒙曾看南朝畫國娃古羅衣上碎明霞而今莫

共金錢鬪買却春風是此花

鼓子花野花也皮日休虎丘詩云鼓子花明白石岸

金竹不甚大色如金今多不見蔣堂嘗有詩百

先寒一徑深潛疑造化鑄成林貪夫或有凭欄者不見修篁但見金

哺雞竹葉大多濃陰雖圍徑難得極大者而至

易種其筍蔓延滿地若雞之生子眾多故名

哺雞吳人謂雞驚伏卵為哺

桃枝竹皮日休虎丘汎舟云桃枝竹覆翠嵐溪
白芷一名葯世傳吳白芷以吳中所出者為貴

陸龜蒙採葯賦葯白芷也香草美人得以比
之君子定情屬思聊為賦云日上融冷春歸
飾荒觀一時之流恨撫萬古之遺香問人則
不屈不宋說地則非楚非湘舉其榮烟攜而
動色擢其體雪挺而騰光諷畔牢愁子雲於
焉華皓吟哀時命曼倩由是摧藏情思矜年
慵情良晚胡繩繫晷以難駐稿車載春而不
返陋君折楊柳須為送行陋君採芙蓉仍勞
贈遠豈知陰晴互出雅艷相迎隄回鳳喜怒
忿鴻驚待笑者青琴時號顧謂者碧玉為名
偷襲積競榮盈目斜柯而水怯鬢疊葉而雲
爭蘭在口以時聞嬌如連瑣黃牽心而雲

飄若縱心旌契叩難申融怡暗許石能潛遁
以求偶山亦浮來而命侶誓不為巖阿竹冉
冉孤生誓不為澗底松亭亭獨處於是欺皓
本掩湘蕤房紅者自破帶縹者誰披望懷沙
之浦詠遺襟之詞烟分而麝墨猶溼綺斷而
龍刀合知只言長信長門年可恨未必傾
城傾國箇箇生悲臨階躑躅以虛徐當戶
薇兮約弱蜂乍葉而先盡鶯躑以虛徐當戶
若北堂公子樹芳草忘憂南國佳人佩生香
辟惡露茁烟活風條翠謔不知海傍之期遠
不信人間之命薄休為上計掾空尋寶釵聊
作侍中郎且乘金絡別有盧江小吏蜀郡長
卿或支離而築恨或調笑以囊情不同乎稟
簪裾而霧悄秉禮義以霜明鄭交甫則江邊
珮解萼綠華則席上詩成彼怡神而致問皆
護節而含真竦擢自持雖陳辭而往愬遷延
却立終抱恨而難平淚滴堪穿腸回好繫蟲
織怨以成段酒蠲愁而判劑江僕射之孤燈

向壁不少淒迷張記室之少婦當壚應還細
麗景方駘蕩思已低摧波疲於子建為使花
困于靈均作媒何庶物之相負痛妍華而未
迴莫與心傷瑤圍從驚鵲鳩第誰如防膽怯
空屏宜畫魁堆懾名利欲追尋徒嗟緬邈杯
形連理而終在扇樣合歡而可學若遇劉公
伯雅夢亦沉沉如逢
王母少黎書還數數

柳李花小碎花也繁縟可愛陸龜蒙有柳李花
賦云一枝上能萬其膚萼一萼中自叅其丹
白狀其實也

薔薇花有紅白雜色陸龜蒙詩所謂倚墻當戶
一端晴綺者紅薔薇也皮日休汎舟詩所謂

淺深還看白薔薇者則是野薔薇耳水邊富
有之紅花又有金沙寶相刺紅紫玫瑰五色
薔薇等白花又有金櫻子佛見笑等皆薔薇
類也又有黃薔薇一種格韻尤高

萼味香滑尤宜芼魚羹晉陸機入洛見王濟濟
指羊酪謂機曰吳中何以敵此機云千里萼
羹未下鹽豉時人以爲名對

晉書

菘菜唐人有云濶葉吳菘巨根蜀菘
五色瓜吳威王時會稽生五色瓜梁時吳中亦

有五色瓜歲充賦述異記

藕唐蘇州進藕最上者名傷荷藕傷荷之名或

云葉甘為蟲所傷傷其葉則長其根也國史補趙

暇秋日吳中觀貢藕野艇幾西東清冷映碧

空褰衣來水上捧玉出泥中葉亂田田綠蓮

芰卽菱也今人但言菱諸家草木書亦不分別

唯武陵記云四角三角曰芰兩角曰菱今蘇

州折腰菱多兩角西陽雜俎折腰菱唐甚貴之今

名腰菱有野菱家菱二種近世復出餽餽菱

最甘香腰菱廢矣



